

Saulės sūnou

kelkēs Saulės sūnau
kuopom lēnkis aukštuom
skelk dongo posiau
jūrā gluostīk banguom

stuokis Saulės sūnau
žaliuo pėivuo basuom
nosėprausk akis
ritmetėniēm rasuom

ēk Saulės sūnau
rītmetie laukū tako
žėnė žmuogou nešk
laiks anam link nomū

žėnk Saulės sūnau
debesim link dongaus
veskēs žmuogo karto
tèn ons savė soras

melskēs Saulės sūnau
rīta paukštė gėismė
jūras viėjė balso
ož monė è savė

ēk Saulės sūnau
tomsā gintė tuolīn
douk žmuogou vėltėis
Dėivā vesk artīn